



Universitätsbibliothek Paderborn

Qvæstiones Morales Selectiores De Lege Interna Et Externa

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

[De Lege Interna]

Beati, Gabriele

Augustæ Vindelicorum, 1729

VD18 90108957

67 An unus actus physicus, plures numero malitias continere possit.

urn:nbn:de:hbz:466:1-39908

- 19 **T**ertiò: Si quis plures efficaciter proponat committere; v.g. fornicationem, & postea non committat, non teneri in confessione explicare numerum actuum internorum, quibus statuit fornicari, sed satisfacere dicendo, *habui voluntatem efficacem fornicandi.* Omnes enim illi actus interni, censentur moraliter unus numero actus continuatus per ordinem ad unam fornicationem, quam respiciunt tanquam effectum; Quod vero fornicatio, de facto, non sit secuta, est mere per accidens. Quod si, secuta sit fornicatio, tunc satis erit dicere; *fornicatus sum: nam eo ipso explicatur voluntas fornicandi, que in ipsa fornicatione includitur.*
- 20 **Q**uartio: Quando actus efficax voluntatis retractatur per actum contrarium, & postea idem repetitur, committi no-

rum peccatum distinctum numero à priori. Quia primus iam moraliter interrumpitur. Quia tamen, non ita ordinariè accidit, ut homo, postquam efficaciter proposuit peccatum aliquod committere, & deinde propositum retractavit, iterum statim redeat ad pristinam voluntatem, ideo quando accidit, communiter aduertitur, sive explicari facile potest in confessione. At, quod homo, antequam peccatum externum committat, plures proponat illud committere; hoc fere semper euenire solet; impossibile enim moraliter est, ut primum propositum semper duret, usque ad peccati consummationem, & ob aliquam mentis distractionem physice sapienter non interrumpatur. Hinc ergo fit, ut physica hæc interruptio, non aduertatur, nec explicari debeat in confessione.

QVAESTIO LXVII.

An unus actus physicus, plures numero malitias continere possit.

C A S V S.

TITIVS, cum vigesimum primum annum iam expleuisse, initio quadragesimæ statuit, totam quadragesimam non ieunare. Quæritur: Vnum ne, an plura peccata commiserit.

SUMMARIUM.

2. *Voluntas tota quadragesima non ieunandi, videtur unicum peccatum.*
6. *Quidam actus externi sunt obiectum integrum actus interni; quidam vero solum partiale.*

7. *Actus interni, qui externos non respi- ciunt, malitiam sumunt ex solo mo- tivo.*

8. *Quando actus externi non sunt inte- grum obiectum actus interni, in il- lum distinctam malitiam non refun- dunt.*

9. *Volun-*

- 9 Voluntas non iejunandi, tot numero peccata continet, quot in quadragesima sunt dies.
- 10 In eodem actu reperiri possunt plures malitiae numero distinctæ.
- 11 Copula coniugati cum coniugata, est duplex adulterium.
- 12 Singuli quadragesimæ dies, propriam deformitatem refundunt in voluntatem non iejunandi.
- 13 Et in Confessione, singula sunt explicanda.
- 14 Non quia sint circumstantie aggrauantes.
- 15 Neque, quia constituant actum in individuo.
- 16 Sed, quia sunt plura numero peccata.
- 17 Etiam idem actus bonus, plures bonitates continere potest.
- 18 Actus charitatis, cur vnicam bonitatem contineat.
- 19 Voluntas occidendi plures, est peccatum multiplex.
- 20 Sicut est etiam, voluntas integrum familiam occidendi.
- 21 Et eadem Dei ac Sanctorum maledictio.
- 22 Et idem verbum, plurium honorem, vel famam ledens.
- 23 Plures actus physici, vnam numero malitiam continere possunt.

RATIONES DVBITANDI.

Certum est, eundem actum, physicum, continere posse plures malitias specie diuersas; Si quis enim fuerit ad fornicandum; furtum illud habebit simul malitiam forti, & fornicationis; & si fuerit in loco sacro, erit

simul iniustitia, ac sacrilegium. Quæritur igitur; an eodem modo, unus, & idemactus physicus, continere possit plures malitias solo numero distinctas, & in confessione explicandas. Multi enim volunt, Titum, per illud propositum, vnum tantum numero peccatum commississe. Ita Suarez tom. 4. in 3. par. disp. 22. sect. 5. nu. 33. Fillucijs tract. 27. c. 5. nu. 87. & tr. 21. c. 8. nu. 320. qui tamen secus dicit de actu externo, c. 9. n. 331. Layman. lib. 1. tract. 3. c. 3. num. 2. Bonac. d. de pecc. qu. 4. par. 2. Duard. in Bullam Cœna lib. 3. §. 3. qu. 2. n. 3.

Primo: quia, si quis uno actu voluntatis tres homines occidere velit, actus ille non continet tres malitias numero distinctas, sed vnam tantum, causatam ab omnibus illis tribus homicidijs, concurrentibus per modum vnius obiecti, & illum actum specificantibus. Ergo similiter, Titius, nolendo totam quadragesimam iejunare, vnum tantum peccatum commisit; tota enim quadragesima illi fuit obiecta per modum vnius obiecti, nec voluntas distincte in singulos quadragesimæ dies lata est.

Secundo: Quia bona voluntas dandi eleemosynam tribus pauperibus, non habet plures bonitates, sed vnam indivisiabilem; Ergo etiam voluntas totam quadragesimam non iejunandi, plures malitias non habebit; sed vnam indivisiabilem; contrariorum enim eadem est ratio.

Tertio: Quia, si quis, uno actu indubitate charitatis, amet quinque proximos, ille actus vnam indubitabilem bonitatem habebit; talis enim bonitas, erit differentia distinctiva illius actus à quolibet

Uu 3

bet alio; differentia autem, est omnino indivisibilis, respiciens illos quinque homines per modum vnius obiecti adæquati; ideoque vnicam relatione transcendentali. Ergo similiter, odium eorumdem hominum vnicam malitiam habebit. Idemque dicendum erit, etiam de voluntate efficaci illos occidendi, præfertim, si quis eos, vnicco iectu, occidere vellet.

NOTABILIA.

6 **A**duertendum est primò, posità diuisione actuum internorum, in eos, qui nullum respiciunt actum externum, tamquam obiectum, ac specificatum, & in eos, qui illum respiciunt, de qua *Quæst. præced. nu. 6.* aliquos actus externos ita esse per se obiecta integra, ac completa actus interni, vt unus non sit pars alterius, nec ab alio dependeat; vt, cum quis tres homines vult efficaciter occidere, vel de tribus fornicationibus delectatur; singulæ enim occisiones, & fornicationes, sunt per se obiecta integra, completa, & sufficientia ad actum terminandum, eique suam malitiam communicandam; aliquos vero terminare actum internum, non vt obiecta integra, sed, vt partes obiecti; singulæ enim horæ canonicae ita terminant voluntatem omittendi officium diuinum, vt se habeant, tamquam partes integrantes officium, quod est obiectum adæquatum illius voluntatis; vel, cum quis vult domum comburere, voluntas illa terminatur ad singula cubicula, solum tamquam ad partes integrantes domum, quæ est obiectum adæquatum illius actus. Aliquos denique di-

cere inter se ordinem, non partis ad partem, sed medijs ad finem; vt, cum quis surgit è lecto, arripit arma, & adhibet alia ad occidendum inimicum; & hic etiam, simul cum actu principali, constituunt vnum obiectum integrum actus interni; ita, vt singuli sint partes obiecti, non obiectum; eadem enim voluntas, quæ fertur efficaciter in finem, fertur etiam necessariò in media, tamquam in vnum obiectum suum adæquatum.

Aduertendum est secundò, actus internos, qui nullum dicunt ordinem ad actum externum, nec ab eo specificantur, tanquam à suo obiecto, vnicam tantum continere malitiam, quamvis ferantur in plura obiecta materialia, quia in omnia feruntur sub uno, eodemque motu, à quo solo specificantur, & sumunt suam malitiam. Cum ergo hoc vnum sit, non mirum, si etiam malitia sit tantum vna; Atque ita, vnicam malitiam continet, odium quinque proximorum, quia in omnes fertur sub vno motu, à quo solo specificatur, & sumit suam malitiam. At verò actus interni, qui dicunt ordinem ad actum externum, tamquam ad suum obiectum, ab eoque specificantur; tot necessariò continent malitias, quot sunt ipsi actus externi, quos respiciunt, si isti in ratione obiecti sint obiecta per se integra, ac completa; cum enim ab eis specificentur illos respicere non possunt solùm, tamquam obiecta materialia, sed respicere debent, tamquam obiecta formalia. Atque, ita voluntas efficax tres homines occidendi, cum feratur in tres occisiones, tamquam in tria obiecta per se integra, ac completa,

& ab

& ab invicem independentia ; tres malitias continet , sicut occisio ipsa trium hominum , tres continet malitias , & est triplex homicidium.

Aduertendum est tertio : quando actus externi , tamquam partes , aliquod obiectum integrum , ac totale constituunt , tunc non censerit obiecta , numero diversa , & consequenter , nec refundere posse distinctionem numericam in ipsa peccata interna . Hinc sit , vt , si quis vellet , omnes certæ alicuius bibliothecæ libros , surripere ; aut magnum aliquem aureorum cumulum furari ; aut totum aliquem gregem ouium ; vnum tantum peccatum numero committeret ; quia oues , vnum gregem ; plures libri , vnam bibliothecam ; & plures aurei , vnum cumulum efficiunt ; & , qui habet animum furandi , non intendit committere , nisi vnum fursum , & vnam iniustitiam ; eò tamen grauius erit peccatum , quo materia peccati major erit . Si tamen libri , vel oues , essent diuersorum Dominorum , ita vt vna pars esset vnius , & altera alterius , censenda essent duo numero sumta , explicanda in Confessione , etiam si quis , vnico actu , ea furaretur ; quia essent duæ iniustitiae ; duorum enim Dominorum ius laderetur . His positis ,

RESOLVTIO.

AD casum Respondetur ; Titium , tot peccata commisisse , quot sunt dies quadragesimæ , in quibus ieiunatur . Sanchez lib. 9. matr. d. 15. n. 6. Valq. 1. 2. d. 75. c. 2. nu. 10. & to. 4. in 3. par. q. 91. ar. 1. d. 4. Azor. to. 1. lib. 4. c. 4. q. 5. Salas 1. 2. q. 72. tract. 13. dist. 3. sect. 2.

num. 19. Coninch. de Sacr. pœn. disp. 7. d. 1. Tanner. 2. 2. d. 4. q. 2. d. 4. nu. 55. Clavis reg. lib. 2. c. 5. n. 14. Rodrig. qu. 1. Summ. c. 195. num. 4. Diana de circumst. agrau. resol. 29. & alii apud istos.

Primo : Quia in eodem actu physico , 10 reperiri possunt plures malitiae morales specie inter se distinctæ ; si quis enim habens votum castitatis , cognosceret coniugatam , eadem copula esset , & fornicatio , & adulterium , & sacrilegium . Ergo à fortiori , reperiri poterant etiam plures malitiae morales numero distinctæ ; distinctio enim numerica minor est , quam specificata .

Secundò : Quia coniugatus , qui alterius vxorem cognoscit , eadem copula , duplum malitiam iniustitiae committit , vnam contra propriam vxorem , alteram contra virum illius , cum qua copulam habet . Secundò , Religiosus , qui rem habet cum foemina Votum castitatis habente , duo committit sacrilegia moraliter distincta . Tertiò , Qui , vno ictu bombardæ , tres homines occidit , tria homicidia numero distincta committit . Quartò , Qui aliquem inducit ad alium occidendum , duo peccata committit , alterum respectu illius , quem vult occidi , alterum respectu illius , quem inducit . Ergo etiam , qui non vult quadragesimam ieiunare , tot peccata committet , quot in quadragesima sunt dies ieiunij ; non minus enim hæ voluntas est multiplex violatio ieiunij , quam copula coniugati cum coniugata sit duplex adulterium .

Tertiò : Quia illa voluntas non ieiunandi dicit ordinem ad plures dies , quorum unusquisque per se , & independenter ab alio , in illam refundit propriam defor-

deformitatem, & contrarietatem cum recta ratione; non minus, quam copula Coniugati cum Coniugata, dicat ordinem ad alios duos Coniuges, quorum singuli, in illam refundunt propriam malitiam iniustitiae. Ergo voluntas illa tota habet malitias numero distinctas, quot in Quadragesima sunt dies; hac enim regulâ vtitur *S. Thom. I. 2. qn. 18. art. 11.* ad discernendum, quando circumstantia addat nouam malitiam; quando scilicet est talis, vt sit ex se sufficiens ad refundendam malitiam independenter ab alia.

13 Quartus: Quia, si quis uno actu velit tres homines interficere, vel uno ictu illos interficiat, tenetur numerum hominum in confessione explicare; similiter coniugatus, qui cum vxore alterius rem habuit, tenetur explicare, & se esse coniugatum, & cum coniugata rem habuisse. Huius autem obligationis alia ratio assignari non potest, nisi quia in eodem actu physico, sunt plures malitiae morales numero distinctae, & consequenter plura numero peccata; Et ex Tridentino *confess. 14. can. 7.* In confessione explicanda sunt peccata, non solum, quoad species, sed etiam quoad numerum: Cur enim coniugatus explicare tenetur, & se esse coniugatum, & rem habuisse cum coniugata, nisi quia eadem numero copula offendit duplex vinculum Matrimonij? Ergo, si coniugatus uno actu interno efficaci velit rem habere cum coniugata, easdem circumstantias fateri tenebitur, quia vult offendere duplex vinculum Matrimonij. Ergo idem dicendum erit de eo, qui unico actu voluntatis vult plures homines interficere, quia plures vult iniusticias committere; & de

eo, qui tota Quadragesima jejunare non vult; quia vult plures violationes Ieiunii.

Neque dici potest, eas circumstantias, esse in confessione explicandas; non quia multiplicent peccata, sed quia eiudem peccati gravitatem augent; Nam, cùm probabilius sit, circumstantias aggrauantes non esse necessariò confitendas, sequeretur, esse in potestate poenitentis, illas explicare, vel non explicare; tuta enim conscientia sequi unusquisque potest opinionem probabilem; siveque, qui uno ictu tres homines occidit, satisficeret dicendo; *commisi homicidium, vñ habui intentionem committendi homicidium;* quod tamen est contra communem usum, ac sensum fidelium.

Neque etiam dici potest; istas circumstantias, esse explicandas; non quia constituunt plura numero peccata, sed quia sunt aliquid tenens se ex parte obiecti, & constituens actum in suo esse individuali; Nam poenitens, in confessione explicare non tenetur differentiam individualis peccati, sed solum specificam, neque enim tenetur dicere, *occidi Petrum*; sed satis est dicere, *occidi hominem.* Si ergo, cum quis, uno ictu, tres homines occidit, vnum tantum numero peccatum committit, satis erit dicere; *occidi hominem;* quod tamen nemo concedit.

OBIECTIONVM SOLVTIO.

Ad rationes in contrarium Respondeatur; Ad primam: Negando antecedens; Sicut enim, qui uno ictu tres homines occidit, verè tria homicidia committit, & non vnum; ita, qui uno actu interno vult efficaciter tres homines occidere,

cidere, tria peccata iniustitiæ numero distincta committer, & non unum,
 17 Ad secundam Respondetur; Negando antecedens; quamvis enim, ille actus sit unus physice, habet tamen tres bonitates, quia totidem sunt in actibus externis elemosynæ, à quibus actus internus specificatur, & si quis uno actu tres illos pauperes sublevareret, verè essent tres subventiones, eo quod tres essent pauperes; quibus subveniretur: sicut, si quis uno ictu tres homines occideret, verè essent tres occisiones, siue tria homicidia, & si personæ occisi essent Clerici, occisor tres excommunicationes incurret, vt docet, Molinato 4. tr. 3. d. 41. num. 3.

18 Ad tertiam Respondetur; Negando ultimam consequentiam: Disparitas autem est, quia actus charitatis, & odij, cum interius consummentur, nec ullum actum externum respiciant, à quo tanquam ab obiecto specificentur, & sumant suam bonitatem, aut malitiam, sed illam accipiunt à solo motu; non est mirum, si vnicam & indivisibilem bonitatem, ac malitiam contineant, cum vnicum tandem, & indivisibile habeant motuum. At vero voluntas efficax occidendi, respicit occisionem externam, tanquam suum obiectum; ab eaque specificatur, & accipit suam malitiam; hinc ergo fit, vt quot sunt occisiones, quas respicit, tot in illâ voluntate sint malitia; idemque dicendum est de proposito totam Quadragesimam non ieiunandi.

COROLLARIA.

19 C Olligitur ex dictis primò: Si quis habeat voluntatem occidendi ho-
 R. P. Beati Lib. I.

minum multitudinem, cuius numerum ignorat; illam voluntatem, tot malitias homicidij continere, quot à parte rei sunt homines, quos vult occidere; imo etiam plures, si ipse probabiliter crederet, vel dubitaret esse plures; quia, quantum est ex se, illos omnes vult occidere. Hoc autem intelligendum est etiam de actu inefficaci; si quis enim de tribus fornicationibus delectetur, tria peccata delectationis mortale committet, eorumque numerus erit in confessione explicandus; quia hi etiam actus inefficaces, respiciunt actum externum tanquam obiectum, ab eaque specificantur, & consequenter suam bonitatem, aut malitiam defumunt.

Secundò: Cum quis occidere vult Ca-
 sum cum tota familiâ, non duo solum pec-
 cata committere, vt vult Nau. c. 6. sum.
 n. 18. eo quod tota familia, in iure, una
 persona reputetur, & familia sit multarum
 personarum collectio, sicut grex
 ouium, est quoddam totum ex multis
 ouibus, tanquam ex partibus constitutum;
 sed tot, quot sunt homines in eâ familia;
 quia singuli homines illius familie sunt
 per se integra obiecta homicidij; Vnde,
 tot necessariò sunt homicidia, quo homi-
 nes occisi; Et, si in eâ familiâ unus esset
 clericus, affectus ille, quatenus terminaretur
 ad personam clerici, esset sacrilegus. Grex ergo ouium, est quoddam
 totum ex multis rebus constans, tanquam
 ex partibus; at personæ vnius familie,
 quamvis, iuris fictione, dicantur unam
 personam efficere, re tamen vera dici
 non possunt una persona, sed multæ, qua-
 rum singulæ, sunt per se integrum obie-
 ctum homicidij. Vnde, qui vult occi-
 dere omnes homines vnius familie, plura
 homi-

homicidia, & plures iniustias vult committere ; qui verò vult furari gregem ; vnum numero furtum, vnamque iniustiam contra dominum committere intendit. *Molina to. 4. dub. 41. num. 3.*

21. Tertiò : Si quis, vnico sermone, maledicat Deo ; S. Petro ; & S. Paulo ; tria peccata numero distincta committeret ; quia sicut trium hominum occisio, distinguuntur ex obiectis numero distinctis, licet eodem iētu sit commissa ; sic blasphemia, per obiecta numero diuersa distinguitur. Qui autem male diceret simul Deo, & duodecim Apostolis, tredecim peccata committeret ; quia, licet actus esset physicè unus, tot tamen malitias in se contineret, quot sunt personæ Sanctæ, quibus malediceretur ; omnes enim, contumeliam afficerentur. *Azor. tom. I. lib. 4. cap. 4. quast. 5.*

22. Quartò : Si quis eodem verbo laderet famam, vel honorem duorum, duo peccata committere ; sicut, si eodem iētu, duos occideret ; quia verè detrimentum famæ, vel honoris, esset duplex ; honor

enim vnius, non est honor, vel fama alterius. Similiter, si quis vnico verbo multos induceret ad peccandum, tot peccata committeret, quot essent homines inducti ; & si in vna mollitie de pluribus formis solutis concupitis cogitaret ; essent plura peccata numero distincta ; sicut, si fœminæ essent, vna soluta, alia coniugata, & tertia Deo per votum consecrata, essent tria peccata specie distincta. *Sanch. lib. I. sum. c. 6. num. 8.*

Quintò : Posse plures actus physicè diuersos numero vnam tantum numero malitiam moralem continere ; si quis enim alium ter vel quater pugno percutiat, aut vulneret, vnum tantum peccatum committet, quia vna est pugna, cuius illæ percussionses, & vulnera sunt partes ; similiter, si quis sine morali interruptione multa verba blasphemiarum in Deum proferat, vnam solam blasphemiam committit, quia omnia illa verba sunt partes vnius continuati sermonis, qui in ultimâ blasphemiarum perficitur. *Azor. tom. I. lib. 4. c. 4. qu. 5.*



INDEX